



Grad Sarajevo  
City of Sarajevo

Bosna i Hercegovina  
Federacija Bosne i Hercegovine  
Kanton Sarajevo  
Grad Sarajevo

**GRADSKO VIJEĆE**

Broj: 01-GV-02-1833/23  
Sarajevo, 29.11.2023. godine

Na osnovu člana 31. stav (1) tačka b) i člana 77. stav (1) Statuta Grada Sarajeva („Službene novine Kantona Sarajevo”, broj 7/23), Gradsko vijeće Grada Sarajeva, na 33. sjednici održanoj dana 29.11.2023. godine, primilo je k znanju

Informaciju o aktivnostima Grada Sarajeva iz oblasti saradnje sa zdravstvenim ustanovama i organizacijama.

*PREDSJEDAVAJUĆI GRADSKOG VIJEĆA*

*Jasmin Ademović, s.r.*

**Adresa:** Hamdije Kreševljakovića 3  
71000 Sarajevo, BiH  
**Tel:** +387 33 216 659  
**Fax:** +387 33 205 874  
**Email:** gsgv@sarajevo.ba  
**Web:** gradskovijece.sarajevo.ba





**Grad Sarajevo**  
**City of Sarajevo**

Bosna i Hercegovina  
Federacija Bosne i Hercegovine  
Kanton Sarajevo  
Grad Sarajevo  
**GRADONAČELNICA**

*Informacija*  
*o realizaciji aktivnosti Grada Sarajeva iz oblasti saradnje sa zdravstvenim*  
*ustanovama i organizacijama*

*Sarajevo, novembar 2023. godine*

---

**Adresa:** Hamdije Kreševljakovića 3  
71000 Sarajevo, BiH  
**Tel:** +387 33 407 443  
**Fax:** +387 33 208 341  
**Email:** grad@sarajevo.ba  
**Web:** www.sarajevo.ba



## **Informacija o realizaciji aktivnosti Grada Sarajeva iz oblasti saradnje sa zdravstvenim ustanovama i organizacijama**

Planom rada Grada Sarajeva za 2023. godinu, broj: 01-GV-02-334/22 od 22.02.2023. godine i Budžetom Grada Sarajeva („Službene novine Kantona Sarajevo“, broj 2/23) planirana je realizacija aktivnosti iz oblasti saradnje sa zdravstvenim ustanovama i organizacijama.

U cilju informiranja Gradskog vijeća Grada Sarajeva, pripremljena je Informacija o aktivnostima Grada Sarajeva iz oblasti saradnje sa zdravstvenim ustanovama i organizacijama.

### ***I Realizacija sredstava iz Budžeta Grada Sarajeva u 2023. godini s pozicije Tekući transferi neprofitnim organizacijama***

#### **Udruženje „Srce za djecu oboljelu od raka“**

Na Međunarodni dan djece oboljele od raka, 15.02.2023. godine, potpisan je ugovor o realizaciji sredstava iz Budžeta Grada Sarajeva za 2023. godinu za projekat Roditeljska kuća.

Ugovor u iznosu od 20.000,00 KM potpisali su gradonačelnica Sarajeva i predsjednik Udruženja „Srce za djecu oboljelu od raka“, Fikret Kubat.

Udruženje Srce za djecu oboljelu od raka od 2003. godine radi s djecom i mladima oboljelim od raka. Kako je liječenje u većini slučajeva dugotrajno i materijalno iscrpljujuće, 2011. godine Udruženje je pokrenulo inicijativu prikupljanja sredstava za izgradnju Roditeljske kuće u krugu klinike na kojoj se mališani liječe – Hematoonkološkom odjeljenju Pedijatrijske klinike Jezero.

Kontinuiran boravak roditelja i bližih srodnika s bolesnim djetetom, u toplom, porodičnom okruženju, doprinosi bržem i sigurnijem izlječenju, kako psihičkom, tako i fizičkom.

Ovim projektom obuhvaćena su oboljela djeca i njihovi roditelji koji dolaze iz Federacije Bosne i Hercegovine, a dugotrajno se liječe i borave na Hematoonkološkom odjeljenju. Sam proces liječenja, koji je izuzetno težak i kompliciran, traje do godinu dana, dok proces održavanja traje i do pet godina.

U aprilu 2016. godine, Roditeljska kuća je i svečano otvorena, uz pomoć humanih ljudi i donatora iz cijelog svijeta. Kuća se sastoji od 10 apartmanskih jedinica, zajedničkog dnevnog boravka, kuhinje, multifunkcionalne sale, vešeraja, garaže i kancelarijskih prostorija Udruženja.

Iako je Roditeljska kuća izgrađena, otvorena uz prosječan kapacitet popunjenosti od 70% na šestogodišnjem nivou, uz prosjek boravka porodice i do 33 dana, još uvijek nema riješeno pitanje sistemskog finansiranja, pa se većinom finansira iz jednokratnih grantova i donacija, te aktivnostima Udruženja.

Grad Sarajevo kontinuirano pruža finansijsku podršku Roditeljskoj kući.

#### **Udruženje osoba oboljelih od celijakije „No gluten“ Kantona Sarajevo**

Ugovor o realizaciji sredstava u iznosu od 10.000,00 KM iz Budžeta Grada Sarajeva za 2023. godinu potpisale su gradonačelnica Sarajeva Benjamina Karić i potpredsjednica Udruženja „No gluten“ Kantona Sarajevo, Muhiba Adanalić, 17.02.2023. godine.

Sredstva definirana Ugovorom dodijeljena su za nabavku i podjelu bezglutenskih namirnica članovima Udruženja.

Ciljevi i djelatnosti Udruženja su: unaprjeđenje i zaštita zdravlja i prava osoba oboljelih od celijakije, promoviranje i podizanje svijesti o celijakiji, alergiji i intoleranciji na gluten, ostvarivanje i provođenje prava oboljelih i članova njihovih obitelji, poboljšanje položaja i kvalitete života oboljelih i članova njihovih obitelji, promoviranje zdrave i uravnotežene striktno bezglutenske prehrane, širenje relevantnih podataka i informacija u vezi sa striktnom bezglutenskom prehranom, te najnovijih znanstvenih saznanja iz tog područja. Udruženje sudjeluje na domaćim i međunarodnim skupovima, seminarima, sajmovima i sl., koji su u vezi s ciljevima i djelatnostima Udruženja.

### **Udruženje oboljelih od Morbus Crohna i ulceroznog kolitisa u Bosni i Hercegovini**

Ugovor o realizaciji sredstva u iznosu od 10.000,00 KM potpisale su gradonačelnica Sarajeva Benjamina Karić i predsjednica Udruženja oboljelih od Morbus Crohna i ulceroznog kolitisa u Bosni i Hercegovini, Alma Hadžić, 22.02.2023. godine.

Sredstva definirana Ugovorom dodijeljena su u svrhu finansiranja redovnih programskih aktivnosti udruženja, kao i davanje konkretne pomoći oboljelim od IBD-a.

Udruženje se angažuje na poboljšanju zdravstvenog stanja, socijalnog i pravnog statusa pacijenata, te direktnom savjetovanju i podršci oboljelim od Morbus Crohna i ulceroznog kolitisa.

### **Udruženja za podršku porodicama s djecom i osobama s poteškoćama u razvoju „Colibri”**

Ugovor o realizaciji sredstva u iznosu od 7.000,00 KM iz Budžeta Grada Sarajeva za 2023. godinu potpisali su gradonačelnica Sarajeva Benjamina Karić i predsjednica Udruženja za podršku porodicama sa djecom i osobama sa poteškoćama u razvoju „Colibri”, Aida Hrnjić, 28.02.2023. godine.

Sredstva definirana Ugovorom dodijeljena su u svrhu finansiranja projekta edukativno-kreativnih radionica „Inkluzivni svijet”.

Udruženje okuplja osobe s poteškoćama u razvoju, roditelje/staratelje, stručnjake i prijatelje porodica osoba s poteškoćama u razvoju, radi pružanja organizovane pomoći i zaštite osoba sa poteškoćama u razvoju i njihovih porodica; razvoj društvene svijesti kod roditelja /staratelja i okruženja, da osobe s poteškoćama u razvoju nisu društveno manje vrijedne, stvaraju uslove za razvoj programskih sadržaja koji omogućavaju izgradnju normalne društvene svijesti u redovnoj, dodatnoj, dopunskoj i fakultativnoj nastavi u osnovnom, srednjoškolskom obrazovanju, zalaže se za uvođenje inovativnih metoda u rehabilitaciji djece s poteškoćama u razvoju.

Udruženja vrši stalnu edukaciju članova putem seminara, predavanja, publikacija, te primjenom savremenih metoda u radu.

### **Savez distrofičara Federacije BiH**

Ugovor o realizaciji sredstva u iznosu od 10.000,00 KM iz Budžeta Grada Sarajeva za 2023. godinu potpisali su gradonačelnica Sarajeva Benjamina Karić i direktor Saveza distrofičara Federacije BiH, Almir Šahmanija, 02.03.2023. godine.



Sredstva definirana Ugovorom dodijeljena su za nabavku pomagala, rezervnih dijelova za elektromotorna kolica, te servisiranje i popravka kolica članovima Saveza potrebnih za kretanje i obavljanje svakodnevnih aktivnosti, a kako bi se smanjila potreba za konstantnim prisustvom ličnog pratioca.

### **SOS Kinderdorf International – Predstavništvo u Sarajevu**

Ugovor o realizaciji sredstva u iznosu od 32.000,00 KM iz Budžeta Grada Sarajeva za 2023. godinu, za finansiranje jedne porodične kuće u SOS Dječjem selu Sarajevo, odnosno jedne porodice, potpisan je 13.03.2023. godine.

Ugovor su potpisali gradonačelnica Sarajeva Benjamina Karić i nacionalni direktor SOS – KINDERDORF INTERNATIONAL Malik Garibija.

Grad Sarajevo tradicionalno pruža podršku radu organizacije SOS Dječja sela BiH koja brine o djeci i mladima koji su ostali bez roditeljskog staranja.

SOS Dječja sela BiH djeluju u BiH od 1994. godine i dio su [SOS Children's Villages International](#), internacionalne organizacija koja više od 70 godina djeluje u 136 zemalja širom svijeta, na svih 5 kontinenata.

SOS Dječja sela BiH pružaju jedinstven oblike brige za djecu bez roditeljskog staranja. Djeca zajedno sa SOS roditeljima, braćom i sestrama odrastaju u SOS porodici. Porodične veze razvijaju se na prirodan način, što znači da djevojčice i dječaci različite dobi žive zajedno kao braća i sestre, a biološka braća i sestre uvijek odrastaju u istoj SOS porodici.

SOS roditelj živi s djecom, pruža im emocionalnu sigurnost te mogućnost da razvijaju nove i trajne veze unutar SOS porodice. SOS roditelj je stručno osposobljen da vodi brigu o djeci, ali istovremeno saraduje s drugim uposlenicima kako bi zajedno zadovoljili sve razvojne potrebe djece. Prihvatiti dijete kao svoje i s njim zajednički živjeti nezaobilazan je, neophodan, ali ponekad i zahtjevan dio života u SOS Dječjem selu. Upravo zbog toga su SOS roditelji osnovna i najbitnija karika u brizi o djeci.

Gradsko vijeće Grada Sarajevo donijelo je Odluku o sticanju statusa udruženja od posebnog značaja za Grad Sarajevo za SOS – KINDERDORF INTERNATIONAL („Službene novine Kantona Sarajevo, broj 31/22).

### **Udruženje „kreArtivci“**

Ugovor o realizaciji sredstava u iznosu od 5.000,00 KM potpisale su gradonačelnica Sarajeva Benjamina Karić i predsjednica Skupštine Udruženja „kreArtivci“, Ajla Hajdarević, 03.04.2023. godine.

Sredstva definirana Ugovorom dodijeljena su za kupovinu mašine za šivanje, repromaterijal, računovodstvene usluge, bankovne naknade, ugovor sa koordinatorom projekta. Mašina za šivanje je jako bitna za radionicu edukacije šivanja i veza. Kroz planiranu radionicu, edukator teoretski i praktično obučava žene kako da koriste mašinu te im na taj način olakšava posao šivanja, čime ubrzavaju proces pravljenja unikatnih proizvoda koji su im potrebni za njihovu egzistenciju.

### **Udruženje osoba s multiple sklerozom Kantona Sarajevo**

Ugovor o realizaciji sredstava u iznosu od 5.000,00 KM potpisale su gradonačelnica Sarajeva Benjamina Karić i predsjednik Udruženja osoba sa multiple sklerozom Kantona Sarajevo, Gordan Muzurović, 04.04.2023. godine.

Sredstva definirana Ugovorom dodijeljena su za nabavku i podjelu suplemenata/dodataka ishrani za oboljele od multiple skleroze članovima Udruženja /suplementi preporučeni za tretman oboljelih od multiple skleroze i za opće jačanje imuniteta i angažman rukovodioca projekta za sprovođenje svih aktivnosti za nesmetanu realizaciju.

### **Udruženje „Porodice tri plus“**

Ugovor o realizaciji sredstava u iznosu od 5.000,00 KM potpisale su gradonačelnica Sarajeva Benjamina Karić i predsjednik Udruženja „Porodice tri plus“, Mustafa Vlahovljak, 04.04.2023. godine.

Sredstva definirana Ugovorom dodijeljena su za realizaciju projekta „Porodična 3 plus kartica”. „Porodična 3 plus kartica” je pronatalitetni projekat koji Udruženje „Porodice tri plus” zajedno s predstavnicima lokalnih zajednica i drugih društvenih subjekta realizuje na prostoru cijele FBiH. Projektom „Porodična 3 plus kartica” osiguravaju se popusti i drugi benefiti za porodice s troje ili više djece.

### **Udruženje „Zajedno smo jedno”**

Ugovor o realizaciji sredstava u iznosu od 10.000,00 KM potpisale su gradonačelnica Sarajeva Benjamina Karić i predsjednica Udruženja „Zajedno smo jedno”, Nermina Hasić, 04.04.2023. godine.

Sredstva definirana Ugovorom dodijeljena su za rad organizacije, realizaciju utrke Race for the Cure, te aktivnosti organizovanja besplatnih mamografskih pregleda za žene u potrebi, pripremu i uručivanje paketića prve pomoći za svaku novooperisanu ženu od karcinoma dojke u Bosni i Hercegovini, te pružanje psihosocijalne podrške ženama suočenim s bolešću.

Utrka/šetnja za ozdravljenje „Race For The Cure“ održana je ispred Sarajevo City Centra 01.10.2023. godine u kojoj je učestvovao i „Gradonačelnicin tim“, na čelu s gradonačelnicom Benjaminom Karić.

### **Udruženje „Život sa Down sindromom Federacije Bosne i Hercegovine“**

Ugovor o realizaciji sredstava u iznosu od 7.000,00 KM potpisale su gradonačelnica Sarajeva Benjamina Karić i predsjednica Udruženja „Život sa Down sindromom Federacije Bosne i Hercegovine”, Sevdija Kujović, 05.04.2023. godine.

Sredstva definirana Ugovorom dodijeljena su za projekat „Socijalna inkluzija djece sa posebnim potrebama“. Projekat ima za cilj povećanje aktivnog učešća osoba s Down sindromom u javnom životu zajednice, jačanjem znanja i vještina za samozastupanje i samostalnog donošenja odluka mladih s Down sindromom, osnaživanjem odgovornog roditeljstva uz očuvanje mentalnog zdravlja roditelja, povećanjem kompetencija nastavnog osoblja.

### **Udruženje porodica djece i osoba s poteškoćama u razvoju „DAJTE NAM ŠANSU”**

Ugovor o realizaciji sredstava u iznosu od 7.000,00 KM potpisale su gradonačelnica Sarajeva Benjamina Karić i direktorica Udruženja „DAJTE NAM ŠANSU”, Ines Kavalec, 20.04.2023. godine.

Sredstva definirana Ugovorom bit će utrošena za finansiranje rada Servis centra „Dajte nam šansu“ kroz usluge koje pružaju porodicama: psihološka podrška za sve članove porodice, kratki boravak, cjelodnevni boravak, usluge zdravstvene njege, opservaciju, pružanje pravne i informativne pomoći, podrška na terenu u domu porodice izvan radnih sati (noć, vikend), mobilni tim – terenska podrška u domu porodice, mobilni tim – usluge prijevoza porodica, interventna podrška u kriznim situacijama i radna subota/krtati predah.

### **Udruženje poliomylitisa, povrede mozga i kičmene moždine Kantona Sarajevo**

Ugovor o realizaciji sredstava u iznosu od 7.000,00 KM potpisale su gradonačelnica Sarajeva Benjamina Karić i predsjednik Udruženja poliomylitisa, povrede mozga i kičmene moždine Kantona Sarajevo, Dževad Kamber, 25.04.2023. godine.

Sredstva definirana Ugovorom bit će utrošena za finansiranje nabavke rezervnih dijelova za ortopedsko pomagalo i desetodnevnu rehabilitaciju za 6 osoba s invaliditetom.

Rehabilitacijski proces, pored ljekarskog pregleda na početku i kontrolnog ljekarskog pregleda, posmatrano po danu obuhvata: četiri terapije po izboru ljekara, korištenje bazena po preporuci ljekara, vođenje medicinske dokumentacije (karton i otpusno pismo) i pansion (smještaj i tri obroka).

### **Udruženje osoba s cerebralnom paralizom Kantona Sarajevo**

Ugovor o realizaciji sredstava u iznosu od 7.000,00 KM potpisale su gradonačelnica Sarajeva Benjamina Karić i predsjednik Udruženja osoba s cerebralnom paralizom Kantona Sarajevo, Nevenko Novotni, 26.04.2023. godine.

Sredstva definirana Ugovorom će biti utrošena za finansiranje realizacije aktivnosti Projekta „Resocijalizacija članova CDP – kroz rehabilitacione vježbe i druženja”.

Sveukupni cilj projekta je sprječavanje težeg stepena onesposobljavanja odraslih sa cerebralnom dječjom paralizom uslugama kućne fizikalne terapije, iz razloga što ti članovi radi svog teškog zdravstvenog stanja nisu u mogućnosti da posjećuju rehabilitacione ambulante na teritoriji našeg grada, čime se ostvaruje pravo na održavanje optimalnog nivoa nezavisnosti i samostalnosti, kao i organizovanje izleta za članove.

### **Savez udruženja osoba sa cerebralnom paralizom Federacije Bosne i Hercegovine**

Ugovor o realizaciji sredstava u iznosu od 7.000,00 KM potpisale su gradonačelnica Sarajeva Benjamina Karić i direktorica Saveza udruženja osoba s cerebralnom paralizom Federacije Bosne i Hercegovine, Emira Švraka, 26.04.2023. godine.

Sredstva definirana Ugovorom bit će utrošena za finansiranje projekta „Porodica, način života i želje djece/osoba s cerebralnom paralizom i drugim teškoćama”.

Ciljevi projekta su: afirmisati kreativne sposobnosti djece/osoba s cerebralnom paralizom i drugim razvojnim teškoćama, upoznati se s njihovim individualnim i porodičnim željama i načinom života i



podizanje nivoa svijesti cijele zajednice o značaju vidljivosti i profesionalnim sposobnostima djece/osoba s cerebralnom paralizom i drugim razvojnim teškoćama, prezentacijama autobiografskih priča i donacijama knjiga.

### **Udruženje za podršku djeci/osobama s teškoćama sluha i govora EHO**

Ugovor o realizaciji sredstava u iznosu od 5.000,00 KM potpisale su gradonačelnica Sarajeva Benjamina Karić i predsjednica Upravnog odbora Udruženja za podršku djeci/osobama s teškoćama sluha i govora EHO, Naila Njemčević, 12.05.2023. godine.

Sredstva definirana Ugovorom bit će utrošena za finansiranje programskih aktivnosti Udruženja: vikend prijateljstva, likovno – kiparske radionice i plaćanja komunalnih usluga.

Udruženje na jednom mjestu obezbjeđuje i osigurava potrebnu psihološku, socijalnu, materijalnu, dijagnostičku, rehabilitacijsku i edukacijsku pomoć i podršku djeci s teškoćama sluha i govora, a radi ostvarivanja jednakih prava i iskazivanja mogućnosti.

### **JU Zavod za zbrinjavanje mentalno invalidne djece i omladine Pazarić**

Ugovor o realizaciji sredstava u iznosu od 20.000,00 KM potpisale su gradonačelnica Sarajeva Benjamina Karić i direktor JU Zavod za zbrinjavanje mentalno invalidne djece omladine Pazarić, Samir Suljagić, 23.06.2023. godine.

Sredstva definirana Ugovorom bit će utrošena za podršku projektima poboljšanja uslova života korisnika smještenih u JU Zavod Pazarić za nabavku: mašine za pranje posuđa, ljuštilice za krompir, frižidera.

Direktni korisnici Projekta su osobe s psiho-fizičkim poteškoćama u razvoju – 340 korisnika usluga JU Zavoda Pazarić, dok su indirektni korisnici uposlenici koji su angažirani na poslovima u kuhinji JU Zavoda Pazarić i u njezi.

### **Udruženje za podršku osobama s intelektualnim teškoćama na području Kantona Sarajevo „Oaza”**

Ugovor o realizaciji sredstava u iznosu od 15.000,00 KM potpisale su gradonačelnica Sarajeva Benjamina Karić i direktor Udruženja za podršku osobama sa intelektualnim teškoćama na području Kantona Sarajevo „Oaza”, Samir Halilović, 23.06.2023. godine.

Sredstva definirana Ugovorom bit će utrošena za projekat „Jačanje kompetencija za život osoba s intelektualnim teškoćama”. Ukupno bi projektom bilo obuhvaćeno 25 osoba sa intelektualnim teškoćama i oko 50 članova njihovih porodica. Sveukupni cilj projekta je bolji položaj osoba s intelektualnim teškoćama u društvu.

Udruženje „Oaza” trenutno ima evidentirana 562 korisnika s intelektualnim teškoćama.

### **Biblioteka za slijepa i slabovidna lica u R BiH Sarajevo**

Ugovor o realizaciji sredstva u iznosu od 10.000,00 KM iz Budžeta Grada Sarajeva za 2023. godinu potpisali su gradonačelnica Sarajeva Benjamina Karić i direktor Biblioteke za slijepa i slabovidna lica u R BiH Sarajevo, Sakib Pleh, 13.02.2023. godine.



Sredstva definirana Ugovorom dodijeljena su u svrhu unaprjeđenja bibliotečnog fonda za slijepa lica.

Grad Sarajevo je među rijetkim lokalnim institucijama koja je audio zapisima potpuno prilagodila svoju službenu web stranicu slijepim i slabovidnim licima.

Biblioteka prikuplja, stručno obrađuje, čuva i obnavlja knjige, brošure, časopise i drugu bibliotečnu građu na Brajevom pismu, zvučnoj tehnici i uvećanom tisku, osigurava korištenje ove građe, izdaje, štampa, snima i kopira bibliotečnu građu, vodi bazu podataka u domenu svoje djelatnosti to obavlja i druge poslove u skladu da zakonom.

Čitaoci s područja Kantona Sarajevo knjige preuzimaju neposredno u prostorijama biblioteke, dok se starim, samohranim i bolesnim, knjige dostavljaju dva puta sedmično na kućne adrese.

Čitaocima izvan Kantona Sarajevo knjige se dostavljaju putem pošte na kućne adrese, a povremeno bibliobusom u odjeljenja Biblioteka koja su otvorena u Bihaću, Tuzli, Goraždu, Gradačcu, Mostaru, Zenici i Travniku.

Trenutno biblioteka raspolaže s 33180 bibliotečnih jedinica, a usluge Biblioteke koristi 1380 članova, bez naknade.

### **Udruženje Općinska organizacija Crveni Križ Novo Sarajevo**

Odlukom o preraspodjeli sredstava u Budžetu Grada Sarajeva za 2023. godinu („Službene novine Kantona Sarajevo“, broj 37/23) odobrena su sredstva za Općinsku organizacije Crveni Križ Novo Sarajevo.

Sredstva definirana Ugovorom dodijeljena su za odmaralište Lozica kod Dubrovnika za troškove zastupanja Crvenog Križa Novo Sarajevo, odnosno troškove zatvaranja otvora objekta.

Ugovor o realizaciji sredstava u iznosu od 50.000,00 KM potpisali su gradonačelnica Sarajeva Benamina Karić i sekretar udruženja Općinske organizacije Crveni Križ Novo Sarajevo, Asad Kučević, 29.07.2023. godine.

### **Podrška centrima za zdravo starenje**

Shodno Strategiji razvoja Grada Sarajeva 2021.-2027. godine, Grad Sarajevo se obavezao podržavati udruženja koja okupljaju osobe treće životne dobi s područja gradskih općina i finansijski podržati njihov rad, a koji za cilj imaju poboljšanje životnog standarda penzionera, odnosno osoba treće životne dobi u Sarajevu.

Uzimajući u obzir značaj centara za zdravo starenje koji okupljaju ovu populaciju, u Budžetu Grada Sarajeva za 2023. godinu planirana su sredstva za rad devet centara za zdravo starenje na području četiri gradske općine, u iznosu od 40.000,00 KM. Sredstva su raspoređena shodno broju korisnika u svakom centru.

Općine na području grada Sarajeva uspostavile su centre za zdravo starenje u svrhu promocije zdravlja, poboljšanje kvaliteta života osoba treće životne dobi i njihove socijalne uključenosti u zajednicu.

Osobe treće životne dobi odlaskom u penziju dolaze u situaciju da se osamljuju i zatvaraju u svoje domove, što može dovesti do narušavanja njihovog psiho-fizičkog zdravlja.

Centri u svom radu uključuju multidisciplinarni tim profesionalaca iz područja medicine, kao i volontera iz drugih disciplina, znanja i vještina. U centrima se pružaju usluge iz domena zdravstvene i socijalne zaštite, kao što su zdravstvena edukacija, informisanje, individualni savjet, rad u grupi,

učee u sekcijama, promotivnim akcijama u zajednici te radne i okupacione terapije, terapijske vježbe, fizikalne terapije.

Sve navedene aktivnosti provode se kako bi se što većem broju građana treće životne dobi s područja općina omogućilo aktivno i zdravo starenje i pružila mogućnost da osjećaju pripadnost negdje i da netko brine o njima, da nisu sami.

Općina	Udruženje	Adresa
OPĆINA STARI GRAD SARAJEVO	Udruženje za promociju i unaprjeđenje zdravlja „GENERACIJA“	Obala Kulina bana 1
OPĆINA CENTAR SARAJEVO	Udruženje „Zdravo živi/sretno stari“	Patriotske lige do broja 46
		Nahorevska 103
	Udruženje za promociju i unaprjeđenje zdravlja „Generacija“	Maršala Tita 12
OPĆINA NOVO SARAJEVO	Udruženje „Partnerstvo za javno zdravlje“	Soukbunar 203
		Hrasno, Azize Šaćirbegović 96
		Velešići, Muhameda ef. Pandže 37
OPĆINA NOVI GRAD SARAJEVO	Udruženje „Na Sav Glas“	Čengić Vila, Džemala Bijedića 61
		Trg međunarodnog prijateljstva 4

Prema podacima dostavljenim od strane četiri gradske općine, broj korisnika centara za zdravo starenje na ovom području je 4.207.

#### **Udruženje za promociju i unaprjeđenje zdravlja „GENERACIJA“**

Ugovor o realizaciji sredstava u iznosu od 16.278,00 KM potpisali su gradonačelnica Sarajeva Benjamina Karić i predsjednik Udruženja, Mahir Selmanović, 21.07.2023. godine.

Sredstva definirana Ugovorom dodijeljena su za podršku rada tri centra za zdravo starenje koje vodi Udruženje „Generacija“, od čega se dva nalaze na području općine Centar Sarajevo i jedan na području općine Stari Grad Sarajevo. Iznos sredstava definiran ugovorom dodijeljen je shodno broju korisnika centara za zdravo starenje, a koji, prema dostavljenim podacima, za sva tri centra iznosi 1.712 korisnika.

#### **Udruženje „Zdravo živi/sretno stari“**

Ugovor o realizaciji sredstava u iznosu od 5.096,00 KM potpisale su gradonačelnica Sarajeva Benjamina Karić i predsjednica Udruženja, Sanela Feratović, 27.07.2023. godine.

Sredstva definirana Ugovorom dodijeljena su za podršku rada dva centra za zdravo starenje s područja općine Centar koje vodi Udruženje „Zdravo živi/sretno stari“. Iznos sredstava definiran ugovorom dodijeljen je shodno broju korisnika centara za zdravo starenje, a koji, prema dostavljenim podacima za oba centra, iznosi 542 korisnika.

#### **Udruženje „Partnerstvo za javno zdravlje“**

Ugovor o realizaciji sredstava u iznosu od 12.921,00 KM potpisale su gradonačelnica Sarajeva Benjamina Karić i izvršni direktor Udruženja, Sejdefa Bašić.

Sredstva definirana Ugovorom dodijeljena su za podršku rada tri centra za zdravo starenje s područja općine Novo Sarajevo koje vodi Udruženje „Partnerstvo za javno zdravlje“. Iznos sredstava definiran ugovorom dodijeljen je shodno broju korisnika broju korisnika centara za zdravo starenje, a koji prema dostavljenim podacima za sva tri centra iznosi 1.352 korisnika.

#### **Udruženje „Na Sav Glas“**

Aktivnosti na realizaciji ugovora između Grada Sarajeva i Udruženja „Na Sav Glas“ koje vodi centar za zdravo starenje s područja općine Novi Grad Sarajevo, u iznosu od 5.705,00 KM, su u toku.

### ***II Realizacija sredstava iz Budžeta Grada Sarajeva s pozicije Tekuća rezerva***

#### **Udruženje „Srce za djecu oboljelu od raka“**

Ugovor o realizaciji sredstva u iznosu od 10.000,00 KM iz Budžeta Grada Sarajeva za 2023. godinu, potpisali su gradonačelnica Sarajeva Benjamina Karić i predsjednik Udruženja „Srce za djecu oboljelu od raka“ Fikret Kubat, 28.02.2023. godine.

Sredstva definirana Ugovorom, planirana Odlukom o odobravanju izdvajanja sredstava iz tekuće rezerve Budžeta Grada Sarajeva za 2023. godinu („Službene novine Kantona Sarajevo“, broj 2/23) bit će utrošena za nabavke: ultrazvučnog aparata za djecu s pratećim sondama za UKC Tuzla; potrebne opreme za UKC Republika Srpska i potrebne opreme za Sveučilišnu kliničku bolnicu Mostar.

#### **Udruženje za pomoć i edukaciju „ALDEN S.46“**

Ugovor o realizaciji sredstva u iznosu od 2.000,00 KM potpisale su gradonačelnica Sarajeva Benjamina Karić i predsjednica skupštine Udruženja „ALDEN S.46“, Dženita Salispahić, 27.04.2023. godine.

Sredstva definirana Ugovorom, planirana Odlukom o odobravanju izdvajanja sredstava iz tekuće rezerve Budžeta Grada Sarajeva za 2023. godinu („Službene novine Kantona Sarajevo“, broj 13/23), bit će utrošena za finansiranje rada „Prve dječje Vesele kuhinje i edukacije.“ Prva dječja Vesela kuhinja ima 59 djece – korisnika koji su u socijalnoj potrebi, djece samohranih roditelja i djece s poteškoćama u razvoju koji svako jutro imaju obezbjeđen jedan topli obrok i edukacije.

#### **Udruženje „Renesansa“**

Ugovor o realizaciji sredstva u iznosu od 10.000,00 KM potpisale su gradonačelnica Sarajeva Benjamina Karić i predsjednica Udruženja „Renesansa“, Enida Glušac, 16.06.2023. godine.

Sredstva definirana Ugovorom, planirana Odlukom o odobravanju izdvajanja sredstava iz tekuće rezerve Budžeta Grada Sarajeva za 2023. godinu („Službene novine Kantona Sarajevo“, broj 25/23), bit će utrošena za obnovu poplavljenog prostora Kuće Ljudskih Prava koji koristi Udruženje „Renesansa“.

#### **Udruženje „Zajedno smo jedno“**

Ugovor o realizaciji sredstva u iznosu od 10.000,00 KM potpisale su gradonačelnica Sarajeva Benjamina Karić i predsjednica Udruženja „Zajedno smo jedno“, Nermina Hasić, 19.06.2023. godine.

Sredstva definirana Ugovorom, planirana Odlukom o odobravanju izdvajanja sredstava iz tekuće rezerve Budžeta Grada Sarajeva za 2023. godinu („Službene novine Kantona Sarajevo“, broj 25/23), bit će utrošena za adaptaciju prostora, opremanje i provođenje aktivnosti Think Pink Centra, kao što su sve vrste psihosocijalne potpore za žene liječene i oboljele od karcinoma dojke, tjelovježbe, nutricionističko savjetovalište, konsultacije s medicinskim stručnjacima, edukacije i trening.

**III Tabelarni pregled realiziranih budžetskih sredstava 2023. godinu:**

<b>Red. br.</b>	<b>Naziv Udruženja/JU</b>	<b>Iznos (KM)</b>
1.	Biblioteka za slijepa i slabovidna lica u R BiH Sarajevo	10.000,00
2.	Udruženje „Srce za djecu oboljelu od raka“	20.000,00
3.	Udruženje osoba oboljelih od celijakije „No Gluten“ Kantona Sarajevo	10.000,00
4.	Udruženje oboljelih od Morbus Crohna i ulceroznog kolitisa u Bosni i Hercegovini	10.000,00
5.	Udruženje za podršku porodicama s djecom i osobama s poteškoćama u razvoju „Colibri“	7.000,00
6.	Savez distrofičara Federacije BiH	10.000,00
7.	SOS Kinderdorf International – Predstavništvo u Sarajevu	32.000,00
8.	Udruženje „kreArtivci“	5.000,00
9.	Udruženje osoba sa multiple skleroze Kantona Sarajevo	5.000,00
10.	Udruženje „Porodice tri plus“	5.000,00
11.	Udruženje „Zajedno smo jedno“	10.000,00
12.	Udruženje „Život sa Down sidromom Federacije Bosne i Hercegovine“	7.000,00
13.	Udruženje porodica djece i osoba s poteškoćama u razvoju „DAJTE NAM ŠANSU“	7.000,00
14.	Udruženje poliomyelitisa, povrede mozga i kičmene moždine Kantona Sarajevo	7.000,00
15.	Udruženje osoba sa cerebralnom paralizom Kantona Sarajevo	7.000,00
16.	Savez udruženja osoba sa cerebralnom paralizom Federacije Bosne i Hercegovine	7.000,00
17.	Udruženje za podršku djeci/osobama s teškoćama sluha i govora EHO	5.000,00
18.	JU Zavod za zbrinjavanje mentalno invalidne djece i omladine Pazarić	20.000,00
19.	Udruženje za podršku osobama sa intelektualnim teškoćama na području Kantona Sarajevo „Oaza“	15.000,00
20.	Udruženje Općinska organizacija Crveni Križ Novo Sarajevo	50.000,00
21.	Udruženje za promociju i unaprjeđenje zdravlja „GENERACIJA“	16.278,00
22.	Udruženje „Zdravo živi/sretno stari“	5.096,00
23.	Udruženje „Partnerstvo za javno zdravlje“	12.921,00
24.	Udruženje „Srce za djecu oboljelu od raka“	10.000,00
25.	Udruženje za pomoć i edukaciju „ALDEN S. 46“	2.000,00
26.	Udruženje „Renesansa“	10.000,00
27.	Udruženje „Zajedno smo jedno“	10.000,00
<b>UKUPNO</b>		<b>315.295,00</b>